


2

IT 5472 / 0222

~~5531/0222~~

CHINESE-JAPANESE COLLECTION
2 HARVARD COLLEGE LIBRARY
FROM HARVARD-YENCHING INSTITUTE
DEC 5 1933

眺
秋
樓
詩
卷
二



眺秋樓詩卷二目錄

課餘草

王誨存先生招飲慈仁寺海棠花下率作長

歌紀事兼送南歸

再送誨存先生

題汪豈穰壯遊圖

陳宮詞

城南別墅

自遣



眺秋樓詩卷二目錄

北渚雜咏

篠屋

撰綠堂

枕梅閣

宛亭

照碧堂

花外亭

登懷州高臺寺

雨後

玉簪花

鄴下

趙王城

夜宿明月店

對雪獨酌漫賦長歌東恬菴

贈崇明施遇唐

送宗克用表兄由河陽廣文除靈壁尹

懸空寺

登恒嶽

廣昌道中望紫荆關作

與誨存先生別幾一年矣先生返棹湖湘余亦歸從雲代叙事書情因成十二截句奉寄

久雨

上巳日同人集蘭亭叙字成詩因得五言律十有五首

并集叙

眺秋樓詩卷二

商邱高岑峴亭著

哈佛大學漢和圖書館珍藏印

課餘草

王誨存先生招飲慈仁寺海棠花下率作長歌紀事兼送南歸

東風吹春春欲闌客中送春情綿繇名園昨日曾
讌集歸聽街鼓頻三傳朝來剝啄何太急先生過
我驚酣眠為言我有一斗酒與子同醉紅粧前杯
盤羅列在花下錦幃霧幔看高懸老根屈曲試凭

倚湘雲一片搖晴煙檐邊幾枝殊爛漫飄若蝶影
何聯翩先生於此興不淺自謂老去猶能顛殷勤
舉杯索花笑祇覺滿目饒芳鮮嗟我頻年滯京洛
閉門兀坐同枯禪好花好月等寂寞風沙撲面增
煩煎竭來况致頗不惡高人許我相周旋蘭亭一
會自千古觴咏暢叙俱隨緣先生近復起歸思歸
擬遠泛湖湘船先生言歸里後欲作長沙之遊始信會合那可定
忽驚雲散心茫然尊前且莫叅別語却恐花亦生
流連起視西山日已暝豔豔月明東峰巔禪房孤
磬忽流響悠然耳畔聞清圓

再送誨存先生

白髮尊前淚青燈客裏思江關嘆搖落此意復誰
知正值殘春景長吟歸去辭歸應安穩住不問再
來期

肯負平生約空山擬結蘿鶯花懷洛社風雨渡交
河草接天涯恨人來陌路歌臨歧重惆悵此別竟
如何

去矣休回首凄迷望眼遮征衣留燕影驛路過楊

花渺渺波無際行行日又斜秋來相憶處消息問
長沙

已自多愁緒那堪復送行客因閒愈嬾酒為別難
傾常憶曾聯咏何緣得耦畊去來誠碌碌相誤是
虛名

忽忽家千里悠悠夢十年也應慚老大終不解嬾
娟感激當分袂殷勤勸着鞭未知重會日月又幾
回圓

題汪豈稷壯遊圖

汪君意氣如虬龍兀肆天矯凌蒼穹又如翩翩雲
表鶴丰姿高潔超凡庸我昔識君自京國周旋文
讌時相逢別來踪跡各不定我為社燕君秋鴻今
年京國重邂逅握手一語相思同君復貽我壯遊
圖披展覲面標孤踪知君心貌兩俱古更將長幅
撫豪雄江南江北多佳麗二月三月吹春風春風
吹動遊子意拂衣出門何息息昂藏七尺好結束
珊瑚鞭策霜蹄驄隨身長劍爛耿耿寒氣上與星
光通據鞍顧盼復前指高山流水鳴琤琮溪橋楊

柳綠於草兩岸雨落桃花紅神仙中人君其是飄
飄鶴氅疑王恭嗟我十年慣飄泊未能閉戶全疎
慵敝車疲馬走南北學書學劍曾無功即今對君
覺心喜舊時狂興徒恍恍安得置我在君側或左
或右相追從西山射獵日未夕相看長嘯開天容
丈夫遇合在俄頃往取將相寧終窮君名定勒鼎
與鐘鬚眉照耀明光宮

陳宮詞

築就青山共碧塘滿庭花柳遍春光珠簾寶帳沈
檀壁十里風來到處香

曉粧初罷鬢雲連絕稱宮中一洞天好共君王登
別閣望仙閣上望神仙

城南別墅

闢地為閒圃春光入望賒日高村市靜風散野航
斜二月經三月桃花及菜花連宵溪水漲手自弄
魚叉

自遣

細草池邊綠漸平庭梅綻粉柳舒青困人天氣寒

兼暖中酒心情醉復醒每折好花供竹几時融殘
雪灌銅瓶朝來喚起聲偏急催得春光去不停

北渚雜咏

篠屋

碧窓人靜夢初回滿徑清陰護綠苔一片曉雲催
雨過涼風輕度細香來

澗綠堂

綠葉交加閉曲闌坐聽啼鳥日初殘空庭寂寂清
如水常似青溪雨後看

枕梅閣

梅花無數曲廊通小閣開臨面面風睡穩不知香
入夢笛聲驚起月明中

宛亭

新蒲夾岫碧痕遮自在閒亭理釣艖占得輞川好
風景一圍垂柳水三叉

照碧堂

紫燕低徊掠水飛高城映帶已斜暉淡烟涼月分
明夜一碧波光上客衣

花外亭

紆迴石迳草如茵。花裏經過香滿身。更約一尊花外去。不應辜負看花人。

登懷州高臺寺

懷州城角高臺寺。樓閣連雲野望低。何處笙歌人正宴。舊時宮寢馬頻嘶。西浮沁水波無際。北接行山霧欲迷。為訪玉溪遺蹟在。只今芳草尚萋萋。

雨後

最好此時節。衣邊雨氣沾。小花紅上砌。嫩竹綠齊簷。暑力消全盡。吟懷許獨兼。閒雲俱返岫。早見月如鑷。

玉簪花

軟玉生烟枝正繁。馬嵬重返舊時魂。祇緣可種非無價。便似曾雕未有痕。魏女難勝珠錯落。漢宮愁化燕飛翻。蘭房夜夜親持贈。香燼燈殘月漸昏。李夫人去恨長縈。遺韻千秋尚得名。枕上暗凝香不散。鬢邊斜墜夜無聲。人從出浴偏相稱。心為中藏倍有情。好是連宵淋雨足。牕前深護草蟲鳴。

粉膩幽心色正鮮。一枝蟬翼晚雲連。胎痕細染偏
能潤。檀口輕銜。更不堅。開比金萱。添皎潔。歛殊夜
合。自嬋娟。銀鈴那及花簪好。可信多情怨也蠲。
纖纖小。摘助娉婷。行傍朱闌。步却停。耀首何須誇。
翡翠上頭無賴。是蜻蜓。秋陰曉護。香千蒂。露濕宵
攢玉。一蓮記得碧紗牕。底韵好。風吹處。夢初醒。

鄴下

締構曾經率土功。崇墉百雉壯寰中。即今猶恨三
分說。當日空稱一世雄。漳水依然流夜月。雀臺何

處問東風。可憐十二陵邊望。蔓草年年野燿紅。

趙王城

窮秋野草遍荒陂。城闕蒼茫舊蹟疑。剩有後人題
識在。分明寫着照娥池。

夜宿明月店

旅店因名勝。行人寄宿過。正當霜落後。恰好月明
多。前路尚如許。鄉思轉奈何。夜深呼買酒。得醉且
高歌。

對雪獨酌漫賦長歌東恬菴

三冬無雨亦無雪每愁麥旱心怵怵入春兩度見
雪落簷瓦薄凍如霜輕昨夜看月月有暈長空雲
亂兼陰晴五更欲寐不成寐蘆被只覺嚴寒生微
風飄颻吹漸起回旋近戶搖簾旌平明披衣急啟
戶梅花片片堆窓標呼童為我生爐火床頭良醞
猶餘鎗捲簾浮白意頗快冷沁肌骨肝脾清枝頭
兩兩山喜鵲並立無語閒梳翎停杯忽憶故鄉景
尋常踏雪臨郊垆茅屋老樹儼圖畫麥隴一望迷
遙青轉眼二月到三月雜花生樹飛羣鶯燒麥煮

笋粗可辦扶犁牽犢勤春耕人生樂事有時有
此歸思縈復縈君住長安已三載我亦來去曾靡
寧知己二三每契濶何由執手同春行整屐為擬
造君舍街心泥滑防敬傾短紙作草寄長句恰如
對面煩君聽知君高卧定無事見此未免生鄉情
且復把酒遲和句接羅醉倒愁難醒

贈崇明施遇唐

前後住京華十載每跼踖深知性疎嬾居止就幽
僻有如秋後蟲以次漸深匿出門塵雜還車馬巷

盈溢翩翩馬上子揚鞭意何適相逢多執手而我
不相識東南有高士來作金臺客偶然聚萍踪契
合如夙昔秋水况襟懷孤松擬標格情深洞肺腑
彼此無閒隔前年相別去歲月徒役役迢遙千餘
里相思日以積今來于重攜貫居喜咫尺往還忘
迎送一日面數覲時復酌我酒笑談接顏色繙書
論往事坐久燭再易遲歸步紆徐月滿街心白繫
惟我與君家隔江南北青衫兩束縛欲奮無長翼
他鄉適邂逅媿媿攄悃悞昨朝過銓曹謁者至填
塞自笑附蟻羣還慚戀雞肋君如天駟行行將
破壁我比駑駘羣亦未甘伏櫪窮達各有時守分
乃良策嘯歌得自如勿效長戚戚人生多知己已
足快晨夕况復際盛時所期各努力東風吹殘紅
西山凝遠碧不用費登臨因之懷鄉國

送宋克用表兄由河陽廣文除靈壁尹

與君生同里知名面未識我年甫數齡君已登仕
籍寒羶與敝裘卅載共狼藉秩滿奉 詔令再進
郎官職朝謁趨殿陛寒素似疇昔曳履過訪余一

見開胸臆為言到懷州少壯好顏色重來詣國門
兩鬢已蒼白願茲共卜居與子數晨夕有時各把
卷亦或共賭奕倏忽住逾月氣味不相逆良會那
能久小別足可惜君才洵已老旋看樹竒勳嗟我
放浪人猶然寄京國君還顧我笑據梧手頻擊酒
酣聽君論意氣若為激譬彼置籠鳥敢不修羽翼
所得倘及身那計寸與尺君行將有日去去異南
北性情苟不渝道里匪疎迤况復到衙齋頗不艱
行後官厨得旨酒歲之願如壁花縣我來時好作

平原客

懸空寺

鑿崖架木搆層樓縹緲虛無萬象收石磴側行如
鳥過梵宮遙望似雲浮波驚夏漲奔山脚風散晨
鐘出樹頭一片蒼巖凝宿露流連勝蹟已千秋

登恒嶽

我家居住鄰高尚濟勝無具登無從太室少室望
縹緲結想常與神魂通况乃兩嶽華與岱東西俱
近千里中力所易到尚未得自笑身跡如轉蓬今

茲作客走雲代取道直向恒山峰雲中南去僅百
里插天巒影烟冥濛昨宵早歇飽秣馬曉行日出
浮菁葱振策爰抵山之下解鞍僕夫忙朝饗舉頭
悵望悔失計倉卒奚由辦屐筇安得兩腋生羽翼
飄然高奮猶輕鴻道旁兜輿人坐守顧余熟視殊
倥侗辨色再四始借問客欲登山吾儕供聞言一
時動踴躍爾胡解事同山翁攬衣坐輿舁且起盤
旋便捷力頗雄高低石徑無穩步前者戒後呼從
容初升猶坦勢漸陡直上步步心恍恍雙肩暫息

當路口青雲渺渺前無窮

行五里許有碑誌青雲路於道左

合輿

掘衣為躡險乘興竟欲凌蒼穹枝交屈曲偃復仰
夾道合抱皆長松就中一株倍奇古居然獨踞如

虬龍

樹根立石題曰踞虬

織雲四卷天一碧蕭蕭聲疑兼雨

風野花滿谿香不斷繽紛如雪飄何穠輿子為言
花發晚當夏乃與春開同元岳兩字深入石懸崖
磨壁窮天工筆勢老健徑三尺何人斧鑿臨虛空
其間鐫題不勝悉數里遙達巍峩宮候門道士揖
我入仰瞻肅拜階梯崇維神職司鎮北土庇此下

宇巘巘功册文祭告勒諸石殿前矗立如林叢更

背絕巘幾千尺雲容白晝常相封勢從面起恍無

路野草披帶紛茸茸云有仙人置棋局別開天地

超龍從琴仙臺有仙人棋枰赤松黄石在何許登臨或與飛

仙逢惟時午日已西轉暑氣乍退寒來攻綿衣被

體覺猶冷森森萬木陰交濃興不暇嬾力難繼弗

克造極開心胸齋厨為我作麥飯佐以山蔬蕨與

菘茗茗徐徐一再進草草舖啜饑堪充舉手長謝

起就道相視一笑心融融與子肩與忽倒下防客

俯視神為憶愛山頗亦愜我願正好面別青芙蓉

夕陽變幻無定態山腰濃綠山巔紅歸途小憩虎

風口颼颼遙答聞敲鐘虎風口在山之半松濤尤壯年來南北

慣飄泊孤身日日浮雲蹤對此勝境足浩歎情隨

澗壑相撞春言歸定擬訪嵩岱兩脚不怕重雲重

平生所志在巘穴不此卜築將焉終僕夫長日各

昏倦下山催發行息息兩兩與子叉手待酬以三

百錢青銅前山託宿在何許照人明月騰天東

廣昌道中望紫荊關作

雲影淡於烟松風起半天人家林莽外城郭夕陽
邊千嶺與萬嶺山田如水田關門遙入望疲馬不
勝鞭

與誨存先生別幾一年矣先生返權湖湘余
亦歸從雲代叙事書情因成十二截句奉
寄

去年記得中秋日醉倒先生書屋中百里歸來身
未醒牛車睡穩日初紅

重陽纔到菊花天綠酒紅鐙興自偏聞道先生還
好事乘秋去買洞庭船

西風淒緊催征客我亦馳驅及歲殘滿地霜華滿
天月可堪匹馬去桑乾

西山斜日映青螺閒向慈仁寺裏過忽憶海棠花
下飲回頭已是兩年多

隔墻呼我共追陪傳道吾家侍御來今日不知臨
絕域一尊風雪向誰開

庚子歲同寓慈仁寺中家
侍御荆襄過訪先生邀余

共飲有隔墻呼令弟沽酒得
徐傾之句侍御今出守邊

一僕相從事遠征崎嶇道路日兼程邊關五月披

裘客出向居庸入紫荆

恒山頂上足徜徉夾路松陰夏日涼一樣春風吹

不散沿谿開遍白丁香

先生已返瀟湘棹我笑飄零類轉蓬前月南風吹

客意歸鞭整頓一宵中

零落槐花知了鳴柳陰何處愜心情紅塵如霧人

如夢馬被鞭催更不驚

年來旅食已艱辛家計無端更累身剩有吟情拋

未得不妨長作聳肩人

昨遣長鬚訊起居清秋白髮樂何如遙知今雨堂

邊徑落葉稀疎待掃除

先生後圃堂名今雨

而今又到中秋日明月團圓記兩頭重過高軒談

永夜殘尊消盡幾更籌

久雨

種豆鋤瓜望有秋年來苦旱廢田疇而今酷與江

南似梅子黃時雨不休

無聊着履自閒行來看新開水一泓荷葉已成擎

雨蓋風翻小作瀉珠聲

風勢纔過樹影偏片雲頭上雨絲懸蝸牛有跡行
如負檐雀無聲嬾似眠

我結茅庵結未成居人屋漏倍愁生不知簫管誰
家讌却愛連宵暑氣清

一日頻添二尺強兒童出戶即褰裳苔痕已遍階
前地新綠還看上半塲

風送飛雲散復屯殘陽忽抹淡黃痕明朝更有翻
盆勢虹氣旋為雨氣吞

那堪十日聽綿綿水積街心望欲連騎馬出門同
賀監不曾醉已似乘船

草草芭籬半已斜泥垣頽處雨偏加篝燈兒女深
更望西舍東鄰類一家

剪燭西牕久未眠雲容如墨閉遙天記從不見新
蟾影自上弦時到下弦

叫晴喜鵲兩三聲城上鐘傳曉乍清為喚農人須
早飯荷鋤好與爾同行

上巳日同人集蘭亭叙字成詩因得五言律

十有五首 并集叙

暢攬暮春羣當此日興懷異地又感流年
因之引列諸賢得以樂觀盛會於斯快遇
視昔清遊人在和風固已咸欣觴咏坐臨
脩竹亦將同放形骸林亭况可寄情山水
猶足娛目若無述遊之作或虛脩禊之天
妄託言懷不知已短相期取管盡錄所能
情可隨其自陳文當集諸古叙

一年春又暮寄託此清遊為感情懷倦相將禊事
脩山當林外靜風向竹間幽觴咏隨時得欣然可
自由

整得幽情暢羣賢樂惠然亭臨流水地人坐暮春
天攬古娛懷抱隨風合管絃此生猶放浪俯仰歲
時遷

極目山同水興懷竹與絲所嗟今老大不及少年
時世事雖云異人情每自知靜觀因有得列坐合
相隨

也作蘭亭會風流感昔今晤言欣永日情況寄幽
林羣嶺能相映清湍可自臨斯遊殊快事不異在

山陰

一帶春流映山亭在昔脩無言嘗靜坐有會亦同
遊視聽猶能樂形骸得自由外人殊未喻此日也
清幽

自昔曾興感於今亦有因又當脩稷日同作永和
人盛事終期盡斯文得未陳年年臨此會託詠茂
林春

觀攬情無極風和春暮天感生猶此地老至自今
年豈不悲陳迹因之契昔賢古今同一致所遇是

當然

欣欣生事足遊每與春期倦坐水流地懷人日暮
時亭猶挹脩竹風已帶游絲未盡臨文感因之寄
所知

寄目當斯地幽亭可一臨水同天不盡山映日初
陰妄作齊人已清言託古今隨時期少長遊攬坐
春林

天及今時朗山臨此地崇若為春日至今況與故人
同曲曲亭間水絲絲竹外風一觴猶未盡弦管聽

將終

極知情事倦所得是清脩天外羣山列林間一水流觴臨人自引室靜竹同幽不盡遊懷暢相期作後遊

浪迹今猶昔遊將信所之興懷萬古事不作一生悲俛仰隨人得山林與老期蘭亭臨異日當及暮春時

品類欣羣茂臨風盡日幽春同流水至人作竹林遊靜攬因無極悲懷信有由歲當觀穉日茲事及時脩

託足生幽致猶然得所欣情懷同合契少長盡能文悼昔咸陳迹因時每樂羣人生期自足於世聽云云
趣舍因人異當風仰暮天水流觀自靜春老氣初遷會又臨今日情猶感昔年故山遊未得一曲託無絃

男時驥校字

眺秋樓詩卷三目錄

寶氣亭集

夜宿梅心驛偶憶小圃早梅

晚至黃梅縣

過虎溪

東林寺

江州道中

宿瑯山野寺熊生采周攜所著詩稿過訪因

贈一律

北蘭寺

章江門外買舟回豐城道經感山海慧寺

春日

送蔣天池文學歸試武昌兼以言別

重過北蘭寺敬步西陂公原韻四首

重陽前一日同僧秋水遊城南青雲菴兼過

竹林寺

送僧秋水回虔州

同劉寄亭明府過江訪汐止上人即以西來

山三字分賦余得來字

送甘克讓孝廉公車北上

雪中過寄亭客寓兼邀林秉文上舍同賦效

歐陽禁體即用原韻

次日同寄亭江干眺雪用東坡聚星堂韻

柳眉

柳腰

柳眠

正月廿九日社

即口

過水草園訪犢如上人留題一首

偶談礪山諸勝寄亭欣然往遊余約於次日

過水草園相聚連日清明遊歸風雨復作

憶內

雜感十首用寄亭遊山詩韻

雨中過西竺菴

獨坐

雨中過李懋建上舍齋看牡丹

庚戌長夏以公事歷村墅往返逾月途中雜

作

東澤寺阻雪

謁晉仙人范登雲白石墓

庚戌除夕寓洪都僧舍作東戴東溟明府

眺秋樓詩卷三

商邱高岑峴亭著

寶氣亭集

夜宿梅心驛偶憶小圃早梅

春風吹客客思家不見南枝竹外斜
今夜月明眠未穩梅心驛裏憶梅花

晚至黃梅縣

風雨無端晚欲生微茫燈火望孤城
惱他十里黃梅路直要人行到二更

過虎溪

野草披離欲掩溪
望中山影與雲齊
虎溪橋畔題碑路
流水潺湲送馬蹄

東林寺

客行望廬山接目俱蒼翠
雖非真面目背已多奇
致曉發霧初收紅日浮巖際
一帶松陰中遙指東林寺
前村起炊烟暫憇遊可恣解鞍
拂征衣步入幽棲地
山門建猶敞廊宇構漸廢
白蓮池故存舊社誰能繼
堂開額高懸三笑顏古意
兩株羅漢松奇老見所未鬱鬱
復蒼蒼封植年莫記別蘚讀碑
難搨北海字愛茲梵音清
幽情頗為繫無語更流連
所嗟來造次僕夫催我行
門外伺征騎去去望深林
回頭還再四

江州道中

舊蹟潯陽勝經過
客興賒津邊認楊柳
江上弔琵琶水落沙痕濶
舟開浪影斜因風懷白老
忽復感天涯

宿瓘山野寺熊生來周攜所著詩稿過訪因

贈一律 來周試屢薦矣乃厄於數而竟弗獲售其所賦詩尤工咏物

瓘山行到柳陰多一片殘陽送遠波為課農桑尋
寺宿偶攜詩卷喜朋過梨花白燕才如許紈扇秋
風怨若何我亦廿年頻放客與君相對暫高歌

北蘭寺

北蘭過訪步紆徐臺榭荒涼竹迳疎遺韻猶存公

去後題名恰在我生初 先外祖宋西陂公開府西

堂於寺今額猶存是年余始生長天秋水情何極疊嶂烟江畫不

如頭白老僧閒話舊流連難遣夕陽餘

章江門外買舟回豐城道經感山海慧寺

滕王閣前夜放舟掛帆破浪乘清秋勢如飛鳥下

極浦倏忽百里驚雙眸明星漸沒風漸息艤舟江

岬衝霜鷗曉山一抹近在望舍舟登陸窮其幽我

聞此地有勝蹟雪坡千載猶風流 宋姚公冕字雪坡嘗讀書於此

樞衣舉步躡前嶺楓林一片寒颼颼穿林幾折忽

平敞寺門兀立山之陬循廊乍入萬籟靜但聞啼

鳥聲啁啾山僧為我作前導松杉滿院陰雲稠禪

房那有塵可到杳然宴坐忘煩憂量泉然火煮苦

茗清香引啜山中甌從容更作齋厨膳盤餐筍蕨
供頗周迤西塔院亦勝境慙慙邀我還同遊千竿
萬竿竹夾徑閒房半敲誰添修嗟我作吏纔幾月
風塵鞅掌無時休縱使未必俗徹骨對此山色徒
增羞蕭然心跡忘去住回首頓覺浮生浮紅日已
轉風更作舟子促歸不可留城門半啟籠燭待仰
見涼月明當頭

春日

一樹垂楊影自斜滿庭紅落是山茶閒將節候史
番數記過清明種藕花

如此春光可奈何小桃花落已無多等閒不許風
吹入一卷湘簾着地拖

送蔣天池文學歸試武昌兼以言別

江城日暖正啼鶯花發將離又送行折桂那堪先
折柳題詩兼望早題名帆歸漢水春同載人過壚
峰月自明多少旅情忘未得漫天飛絮暮雲橫
論交屈指近三年為許聲同得比肩裘馬何嘗隨
俗好文章曾不薄時賢夢回山寺殘鐘後愁在春

帆細雨邊莫倚危樓頻悵望風流雲散倍淒然

渺渺天涯別故知洪州回首望中移溪山粗記來

時路風雨平分去後思一自蘭亭觴咏歌上巳日曾讌集

龍山書院再經赤壁酒榼隨大江東下波無際暢好長

吟明月詩

我久飄蓬滯一方君今振翮正飛揚東風力盡猶

芳草南浦傷多更夕陽文酒幾時重接席雲山滿

目總思鄉彈冠不敢煩相許為願因風惠數行

重過北蘭寺敬步西陂公原韻四首

印沙痕淺尋幽更北蘭高秋橫露嶺晴日靜風

湍談往僧何在謂澹雪上人知還鳥自安獨慙羈旅客

辛負是林巒

四十年前構烟江墨嶂堂舊題墻盡剝遺韵水俱

長雨漬楸枰繡苔封石逕蒼西風吹客意悵望轉

蕭涼

曲檻高低護樓亭傍竹林有僧還掃徑無客更張

琴萍梗天涯恨鄉關日暮心雲山終好在把酒醉

先沈

更欲憑高眺還登列岫亭澄心臨淨綠當面滉遙
青連歲身猶滯三秋鬢早星鴈聲江外落棖觸那
堪聽

重陽前一日同僧秋水遊城南青雲庵並過

竹林寺

不待重陽節尋幽興已偏老僧約塵外小寺訪城
邊近對湖開鏡遙看月上弦生涯須自覓未許俗
情牽

兩寺東西接幽栖十畝閒鐘聲常答應鳥語各聞
關闌迳沿溪轉編塙強竹彎山僧殊解事不放客
輕遠

瑟瑟風吹帽溪邊客意涼芙蓉全借水楊柳半愁
霜鴈過聲相應鷗眠羽自藏明朝重整屐來泛菊
花觴

送僧秋水回虔州

一千里路片雲飛十八灘高入翠微無限薰葭遮
望眼半帆風雨載僧歸

同劉寄亭明府過江訪汐止上人卽以西來

山三字分賦余得來字

約訪招提得得來禪關晝掩叩纔開禁霜小朵猶
黃菊過雨空堦自綠苔江上身同鷗共泛風前愁
似葉成堆泥墻欲寫懷人句只恐腸先斷幾迴
頻將春信問寒梅強伴尋遊笑我頽山寺蕭蕭殘
雨歇江城歷歷晚烟開便教支杖身猶倦時余初
病起
那更凭闌鴈又來今日鬢絲禪榻畔與君消得幾
閒杯

送甘克讓孝廉公車北上

歲晚他鄉客銜杯別意深何時成後會相矢在初
心良驥能開路飛鳥尚失林柳枝春未透折贈恐
難禁

雪中過寄亭客寓兼邀林秉文上舍同賦效
歐陽禁體卽用原韻

五更寒凍燈隨萼北風吹裂紙窻薄初聽疑雨漸
無聲曉起始見已雪作客居偏仄意不快步踏前
湖望寥廓湖水冬涸湖岸廣照眼不定光閃爍叩
扃還復訪劉伶想見高人致灑落悲淒莫作號寒

蟲徒倚却同善睡貉庭中老柳葉未發枯幹堆積
勢孳攫當簷一枝重欲垂略不驚人託羣雀走札
商酌約良友再訂急為整芒屨能詩久擅皮陸名
對景肯遜歐蘇樂殷勤撥火酒重溫次第融冰茗
再瀹繙書檢韻擬白戰襟懷清澈歸恬漠擘箋灑
灑任揮毫何必區區賦橫槩嗟我對雪如對鏡自
撫衰鬢發吟噓

次日同寄亭江干眺雪用東坡聚星堂韻

江城地暖未脫葉枝頭一一帶殘雪朝來同作江
皋行心跡陡然雙清絕堤上草枯茅已萌洲邊竹
老梢初折大岸渡頭泥滑滑西來山遠人踪滅叫
晴喜鵲聲不住饑鷹欲下時飛掣扁舟遙望泛中
流蒲帆破凍如點纈樹杪風聲忽掠過席帽蒙頭
隨狂屑舊時作賦想梁園荏苒三年等一瞥蕭蕭
短髮飽愁味他鄉棄置那能說欲剪春江半幅歸
憑誰借取并州鐵

柳眉

淺黛舒風百媚生淡描輕抹兩分明愁臨波鏡春

難掃蟬倚烟欄畫未成一寸碧彎偷半面雙尖黃
褪學多情章臺別後人如夢感盡長蛾恨不平

柳腰

娉婷恰與小蠻同草綠相憐宛轉工陌上舞還依
掌上楚宮人又見隋宮半圍約略頻窺影一捻低
迴獨背風雅稱休文多病日不勝鞵帶倚蘆櫳

柳眠

青眼含愁倦不言困儂常白傍朱門烟輕遮幔沈
春夢鶯暗調笙喚別魂一任忘情拋白晝那堪無
力送黃昏盈盈待起還難起醒後風光瞥幾番

正月廿九日社

又見南來燕雙雙向客飛今年春社早何日故園
歸望裏皆新柳愁邊正落暉羨他江上侶魚鳥總
忘機

昂目

懶去抄書立短廊正難消遣晝偏長楊花也識離
人恨欲落隨風又過墻

一庭燕影自翩翩不解呢喃似可憐去了又來來

又去去來見汝已三年

過水草園訪犢如上人留題一首

為尋山寺路多紆
惠遠聯吟興不孤
水草爾還能
自牧馬牛我祇任人呼
曲江春漲開明鏡
雙嶺雲

深接畫圖

寺介梅仙嶺密嶺之間相距各三里許

一段因緣閒話起

卅年前事說姑蘇

犢如為開先心壁師法嗣余幼時曾謁心公於吳門使院

偶談磯山諸勝寄亭欣然往遊余約於次日

過水草園相聚連日晴明遊歸風雨復作

桃花紅間李花白
菜花黃接盈阡陌
磯山頂上好

流連更對茫茫萬頃碧
君聞此勝發怱怱
傳東還

邀二客從

謂林秉文 蔣耕野

酒觥詩筒齊料理
一肩行李

付奚童素心偕往情
同暢說着登山神
倍王送君

整屐出柴扉
詰朝我訂來相訪
曲江亭畔草如烟

海慧禪林弔昔賢
更趁夕陽攀密嶺
不知何處借

高眠過江我踐別時約
杖頭也挂雙芒屨
問問行

人見客無為言有客遊
山樂水草園中不染塵
禪

房昨夜住劉晨僧
雛見我殷勤叩知是來尋
結伴

人萬竿修竹周遭綠
高樓更築山之麓
樓上題詩

客下來清吟未了邀余續老僧相款設厨齋幾種
廬山品物佳為憶開先談往事令人遣盡客中懷
野塘水發開畦放青青早麥翻輕浪山風欲作日
初沈樵歌已歇聞漁唱先後尋遊共此回扁舟江
岸早相催東君於客多情甚纔便歸來雨又來

憶內

綠鬢應知己漸更霜華鏡裏我先生頻年兒女為
君累間是天涯老向平

家計支持絕苦辛蕭條也類客中貧荒田二頃憑
誰賣更檢釵鬟寄遠人

春來歸鴈幾行斜欲寫羈情恨轉加一自夢隨江
上去到今夜夜不離家

家山何處強登樓為遣兒歸幾淚流阿母相逢如

問訊不須說盡客中愁

前月遣兒
時驥歸里

半載纔開一紙書東風江上問何如如何日夜吹
江水更不吹來雙鯉魚

雜感十首用寄亭遊山詩韻

尋思往事夢俱沈二十年來感客心今日遊邊無

限恨落花啼鳥兩情深

客中何計却煩煎便即登臨勝事傳多少好山無力買年來用盡賣山錢

力倦憑教倚瘦筇湖邊草掩路纔通月如梳樣風如剪愁寄雲山落照中

放浪閒身湯整裾爭如坡老在南徐便教魚鳥渾相識只恐形顏不似初

野氣沈山結窈冥一天絲雨暗前汀可憐送客江邊柳折盡長條尚自青

溪橋水長接陂陀屐印新痕透淺莎一陣晚風
雨落小桃樹底繫情多

孤客身如斷梗浮江山苦又幾年留十分花事三分月集却林塘一段幽

霜毛加鬢鏡難遮年去驚如赴壑蛇誰更剪燈深夜語蓬門常自掩梨花

倦遊無耐獨凭欄迢莫離情起萬端送盡夕陽看新月輕衫常是怯餘寒

烟花過眼已成陳野草無情春復春閒看梁間雙

燕子呢喃也似話前因

雨中過西竺菴

結伴來西竺東風習習生
雨昏江面濶雲重嶺頭
平為踐琴尊約何妨笠履行
將泥雙語燕傍客故
多情

色淨庭隅樹聲沈殿角
鈴鳥呼泥滑滑人唱柳青
青滌研吟相屬擎杯酌未停
渡頭歸棹晚欸乃發
滄溟

獨坐

東風嫋嫋燕飛斜
簾外烟生正煮茶
一片粉痕留
研匣暗餅初謝碧桃花

雨中過李懋建上舍齋看牡丹

終日簷絲作陣吹
衝泥出郭步遲遲
那堪久客春
風裏又訪名花穀
雨時顧影生憐窺
素女扶頭無力醉
紅兒舊年記得曾
過此重倚闌干有
所思
庚戌長夏以公事
歷村墅往返逾月
途中雜

作

左鋪橋邊雨濕衣
黑雲過處夕陽微
遠林一望如

殘雪白鷺羣歸占不飛

一帶烟嵐過雨新高低倒影映長津楮山三日遙

相對未必山靈不厭人

極目湖田萬頃開遙天隱隱發輕雷前村好借茅

庵宿遮莫風吹雨又來是日雨宿西蓮庵

望向幽林面遠嵐竹羅羅與柳毵毵老僧煮茗閒

相就舊日因緣說海南庵僧嵩雲廣州人能詩

小港帆檣集未開三年重過鎮徘徊渡頭柳岸閒

停騎野老爭看舊吏來渡小港口

松林絕頂望崔嵬石逕盤紆點綠苔惆悵同遊俱

遠別暮春人獨早秋來清明日全諸君作密嶺之遊余以後至未獲偕登今

諸君俱各一方矣登覽之際不禁悵然是日立秋

僧塲題句老多情纔向山中識姓名笑我紅塵猶

拂面長齋繡佛愧先生歸雲寺壁有胡君大行題句甚佳詢之寺僧云胡君

年已七十頗好佛氏法

早發禪關宿雨收擔簦行李去難留梅仙嶺下匆

匆過嵐影烟光一片秋

荒陂曲折盡成蹊行望羣山直向西幾處石梁橫

架穩松溪纔過又高溪

二溪名

龍蟠山寺客燈青斜月松陰印滿庭聽罷晚鐘人

靜後幾回獨立看雙星

七夕宿龍蟠山華嚴寺

幾種山蔬抵大烹就園買得味偏清僧雛笑取筠

籠去積雨松根菌又生

龍蟠山所產松菌極佳

山田高下路欹斜婦女持筐扇自遮恰與故鄉風

景似打頭七月摘棉花

山田多種粟豆木棉

行過荒村夕照邊坊題總憲立巍然雕檐畫棟皆

塵土何事偏教姓氏傳

經郵侍郎故居

村前垂柳覆深潭遠岫雲歸翠色含修竹萬竿團

野寺晚風吹客到田南

宿田南寶林寺

瀘田西去徑縈紆數過高松又幾株寺在半山名

近鶴不知嶺表鶴歸無

近鶴寺在鶴嶺之半

山泉入港合江流野樹含雲望若浮一陣曉風生

雨氣板橋行過自啼鳩

曉過泉港

三年江上嘆飄蓬愁聽江聲獨向東重到文溪山

寺宿鬢絲容易感秋風

夜宿文溪山宣妙寺

風停雨歇樹凝烟早向江頭覓便船歸路無多三

十里不妨相趁到城邊

東澤寺阻雪

野寺經三宿風狂雪轉加
山容侵鬢影人事感年
華僕冷時煨火僧勤日
餉茶明朝定晴爽前路
無涯

謁晉仙人范登雲白石墓

松楸蕭瑟少人行望裏
巉巖接玉京白石千秋傳
異蹟靈槎一段祀英名
濃雲莫辨陰晴色荒草長
悲日夜聲更向瑞祥山寺
過辦香重熱拜飛瓊

范仙

二女曰瑞姑祥姑俱得道
祀於山下因以瑞祥名寺

庚戌除夕寓洪都僧舍作東戴東溟明府

雨絲飄戶欲成冰古寺無人
黯佛燈別久已忘仍
是客身閒更覺勝於僧
誰家守歲團兒女獨夜題
詩寄友朋同調如君應
一笑不須歸思起騰騰

男時

驕驕校字

